

PIALÖ NENGO

Gbiänngö pâsi na ngangü

NDÜRÜNGÖ YÊ NA TERÊ TÎ ZO NA NGANGÜ

- Ndürungö yê ne terê tî zo na ngangü ayeke nye ?
- Nye laâ zo alîngbi tî sâra töngana andûru yê na terê tî lo na ngangü ?
- Nye laâ ayeke sâra na wabîngö-kpälé tî ndürungö yê na terê tî zo na ngangü ?
- Zo wa lâa alîngbi tî gä wawärängö kpälé tî ndürungö yê na terê tî zo na ngangü ?
- Légë tî gwëngö na nganganî ?

Ndokwa tî müngö-mabôko na yâ yê kwê na âla sô asâra lisorö tî kubû tî ngangü na âla tî Bangui na Kôdörösêse tî Béafrîka.

Ndokwa-ngbanga tî kîrîngö na ténë na pekô tî ndürungö yê na terê tî zo na ngangü wala lisorö tî kubû tî ngangü na Kôdörösêse tî Béafrîka



Müngö mabôko na lîgë tî droää

Mängö zonî, müngö na lo wängö na tonga, ngâ rökötöngö âtâténë na lîgë tî bängö zonî na danganga.



Müngö mabôko na lîgë tî gwëngö na nganga

Lékérëngö âpelênde ngâ gwëngö na ândong-banga (UMIR, parkée).



Âwamüngö-mabôko tî âwafângö-ngbanga, âwafângö-ngbanga na âwagbüngö-kokö ayeke mû mabôko sêngêsêngê na âwawärängö-kpälé sô asô kwâ na lîgë tî droää wala na lîgë tî güëngö na nganga.

Âwafângö-ngbanga na âwagbüngö-kokö tî Pialö Nengo, sêngêsêngê, ayeke mû na âla wängö, ayeke fa na âla lîgë ngâ ayeke mû pekô tî âla. Töngana âla yêda, âla yeke mû pekô tî âla sêngêsêngê na ndembënî.

Âla mä nzoni - Ndïä ake kokö töngana ayeke kpälé tî ndürungö yê na terê tî zo na ngangü.

Tî hînga ténë na wärängö mabôko

Ge na Bangui

Ndokwa tî AFJC
na Danganga tî Amitié

Nzorôko tî singamê

AFJC - 72 35 37 53
Danganga tî Amitié - 72 35 37 48

Na ndokwa tî Pialö Nengo

Amû mabôko na yâ yê kwê na âla sô asâra lisorö tî kubû tî ngangü na âla. Yê töngana :

- Müngö tonga
- Müngö-mabôko tî sênî tî li na tî nzônî dutî
- Müngö-mabôko na lîgë tî ténë tî ndïä
- Ndâli tî nzônî dutî na tî könömi

Âwâlî kwê sô kobêla tî hînön asî na âla na pekô tî düngö wala lisorö tî kubû tî ngangü.

I- Ndürüngö yê na terê tî zo na ngangü ayeke nye ?

Längöngö na zo na gbüngö lo na ngangü, wököngö lo, bëngö-lê na lo, atâa lo hînga wala lo hînga äpe, sô laâ ayeke ndürüngö yê na terê tî zo na ngangü. [Surä 87 tî Ndiä tî fängö-ngbanga](#).

- Ndürüngö yê na terê tî zo na ngangü ayeke fängö-zo.
- Tënê sô abâa yê sô andûru na terê tî zo nî äpe : li tî mabôko, yê kîrîkiri, këngë, kékë, butâni na terê tî wâli, yângâ, dûpurû töngasô agwe na nî, ...
- Lïndängö terê tî môlengê-wâli wala môlengê kôli sô ngû tî lo ayeke na gbe tî ngû 18 ayeke töngana ndürüngö yê na terê tî zo na ngangü. [Surä 87, gbesurä 3 tî Ndiä tî fängö-ngbanga](#).
- Yê sô kûê abâa terê tî zo tî wâli wala tî kôli na ägïngö lègë tî längöngö na âmôlengê-wâli wala âmôlengê-kôli sô ngû tî âla ayeke na gbe tî ngû 15 alîngbi terê na ndürüngö yê na terê tî zo na ngangü na lê tî Ndiä.

II- Nye laâ zo alîngbi tî sâra töngana andûru yê na terê tî lo zonî na ngangü ?

 Na yâ tî ângbonga 72 na pekônî, âla gwe na wawärängö-kpälénî na labitänî wala na ndokwa tî sénî sô ayeke ndurü na âla titene amû na lo ânzoni yorö ngâ, tî wara mbëti tî wanganga ndâli tî gwëngö na ngbanga.

Âla mä nzonî : Ngoi tî ngbonga 72 ayeke ngangü mîngi tî kpë mëngö-ngo tî pekô tî lisoro tî kubû tî ngangü ngâ na âkobêla tî giingö-terê tî kôli na wâli.

III- Nye laâ ayeke sâra na zo sô andûru yê na terê tî zo na ngangü ?

- Kânga tî kwâ tî ngangü. [Surä 87, gbesurä 2 tî Ndiä tî fängö-ngbanga](#).
- Ayeke dublée längö tî kânganî töngana wabïngö-kpälénî abâa gîgî kôzo, ayeke wafängö-mbëti, wafängö-tënë tî nzapâ wala zo kwê sô amû komânde na ndö tî wawärängö kpälénî.
- Kânga tî kwâ töngana wawärängö-kpälénî akwîi wala töngana kwânî agâ na pekô wala na ndembé tî gbüngö lo na ngangü, pîkängö lo wala särängö na lo siönî yê tî ngangü. [Surä 88 tî Ndiä tî fängö-ngbanga](#).

Âla mä nzonî - Ndiä tî kodëlégë tî fängö ngbanga afa atene wawärängö-kpälénî alîngbi ngâ tî gwe na Dangbanga sî lo hûnda titene afûta na lo âsiönî sô asâra na lo.

IV- Zo wa lâa alîngbi tî gä wawärängö kpälé tî ndürüngö yê na terê tî zo na ngangü ?

 Zo kwê sô ngû tî lo ayeke na gbe tî ngû 18 (môlengê-kôli wala môlengê-wâli) ndâli tî sô lo yeke na ngangü tî mü yângâ tî yëngöda äpe.

 Kangba (wâli wala kôli) sô amû yângâ tî yëngöda äpe na längöngö na lo na gbüngö lo na ngangü, wököngö lo, bëngö-lê na lo, atâa lo hînga wala lo hînga äpe. [Surä 87 tî Ndiä tî fängö-ngbanga](#).

V- Lègë tî gwëngö na nganganî ?



Sïonî tî sara ngo lisoro ti kubu na ngangü agâ na kpalé na ya ködörö.

Ton nga na wawärängö-kpälé So angbâ kêtê, fade baba Mama wala a zo kwe So molengue ni à yeke na ngbe ti a la si a ke sâra tënë na iři tî Lo na da-ngbanga.



En cas de viol, on peut saisir la justice par une plainte ou une dénonciation.



Töngana ndürüngö yê na terê tî zo na ngangü asî, ayeke gwe na tënénî na ngbanga na dëngö pelênde wala tënengö tënë nî polêlê na lapolisi sô ayeke ndurü na âla wala mbîlimbîl na Prokerere tî Kôdörösêse. [Surä 14 na 28 tî Ndiä tî kodëlégë tî fängö ngbanga](#).

 Na pekô tî gwëngö na tënë nî na ngbanga, fadë asâra angête tî hînga âténénî. Alîngbi tî iři wabïngö-kpälénî na ngbanga ngâ sî âwakwa tî ngangü amû lègë tî gbû lo. [Surä 24 na 28 tî Ndiä tî kodëlégë tî fängö ngbanga](#).

 Na pekô tî angête, fadë Prokerere atonî na Dangbanga tî kwâ sô ayeke gî lo ôko sî alîngbi tî dë ngbanga na li tî âwabïngö-kpälénî.